

Ziepc Hlaax 2023

Longc jienv nyei siang-fienx gorngv taux meih nyei wangc siangx beu-sengh

Tong Taux Zipv Jienv Medi-Cal Nyei Mienh:

Kuv fiex! Meih nziex haih zipv gauh camv Medi-Cal tengx nyei jauv siepv aqv. Jiex gorn yiem **Zih Hlaax 1, 2024**, full Medi-Cal mbenc daaih maaih bun taux domh mienh hnyangx-jeiv 26 mingh taux 49 hnyangx dongh puix duqv zipv Medi-Cal wuov. **Full** Medi-Cal se maiv doix dongh **restricted** Medi-Cal dongh ih zanc meih maaih jienv wuov. Restricted Medi-Cal kungx tengx taux jiepv zih nyei saaiv longc hnangv. Ninh maiv tengx taux maaliz ndie caux goux pou-tong wangc siangx.

Oix zuqc corngh taux naaiv deix jauv-louc yiem wuov ndaangc i nziex hlaax:

- Meih bieqc deic-bung nyei sou-gorn se maiv zuqc longc weic zaah taux meih puix duqv zipv tengx nyei jauv.
- **Yiem Ziepc Nyeic Hlaax 2023, meih oix duqv zipv zeiv fienx yiem juix fienx daaih mbuox meih taux se gorngv caux haaix zanc meih duqv zipv full Medi-Cal.**
- **Meih oix duqv zipv gauh camv goux wangc siangx saaiv longc yiem full Medi-Cal.**
- Medi-Cal se maaih maiv zuqc cuotv zinh a'fai cuotv zinh zaanc nyei goux wangc siangx nyei jauv bun mienh yiem California.

Full Medi-Cal se gem taux naaiv deix saaiv longc caux gauh camv:

- Goux pou-tong wangc siangx
- Ndie-sai bun sou maaiz nyei ndie-zinh
- Lengc jeiv nyei goux
- Goux baengc-nzauh
- Simv maaih sin caux goux yiem-hlaax
- Goux jiepv sih
- Ndie-sai bun sou zaah baengc
- Zorc baengc nyei ja'sic
- Guangc in caux ndie-waac nyei tengx
- Goux nyaah
- Cie weic bieqc cuotv buangh ndie-sai, zorc nyaah sai caux zorqv ndie-sai bun sou maaiz nyei ndie

- Tengx goux yiem biauv liuz mv zuqc mingh bieqc mienh gox caux baengc mienh nyei ndie-biauv
- Goux m'zing (mueic-zlux)
- Tengx muangx haix nyei ja'sic
- Goux zaux

Se gorngv meih ih zanc maaih jienv Medi-Cal dongh tengx taux maaih sin nyei jauv nor, meih duqv maaih zoih nzengc weic baengc longc jienv nyei saaiv longc dongh Medi-Cal gem taux nyei.

Meih hah hoqc hiuv camv taux Medi-Cal yiem FAQ (A'loc Naaic nyei Waac-Naaic) dongh caux jienv naaiv zeiv fiex fungx daaih bun taux bieqc gorn nyei mienh wuov.

Ga'ndiev naaiv meih oix buatc maaih longc jienv nyei waac-fienx gorngv mbuox meih taux zaux-kaqv mingh wuov ndaangc:

Meih maiv zuqc dau Medi-Cal nyei siang-bieqc nzemx sou.

Meih zungv zipv jienv restricted Medi-Cal, hnangv naaic meih maiv zuqc dau siang-bieqc nzemx sou weic duqv zipv full Medi-Cal. **Se gorngv meih puix duqv zipv tengx buangv a'fai SOC Medi-Cal, meih yietc zaqc duqv mbuox bieqc mi'aqc.**

Se gorngv meih zipv zeiv-daapc yiem juix fiex daaih weic borqv Medi-Cal nyei sou-gorn nor, oix zuqc dau ziangx caux fungx nzuonx. Meih hah heuc mingh meih nyei nquenc zangc lorz tengx.

Meih hnangv haaix nor duqv zipv tengx yiem goux wangc siangx saaiv longc.

Mienh gauh camv jiekhong duqv full Medi-Cal wuov deix oix duqv goux wangc siangx saaiv longc yiem yietc norm Medi-Cal Managed Care Plan. Medi-Cal Managed Care Plan se yietc norm wangc siangx beu-sengh dongh zoux gong caux ndie-sai, domh ndie-biauv, caux ganh nyungc liuc leiz goux wangc ziangx nyei sai yiem meih nyei dorngx dauh weic bun meih duqv zipv Medi-Cal nyei saaiv longc dongh meih qiemx zuqc nyei.

Dongh meih faaux mbuox bieqc yietc norm Medi-Cal Managed Care Plan, meih nziex corc hah zipv deix saaiv longc yiem Fee-For-Service (regular) Medi-Cal daaih div dorng yiem meih nyei Medi-Cal Managed Care Plan daaih. Yiem gauh camv jiekhong nyei nquenc zangc nor, naaiv liemh jienv deix baav tengx yiem biauv caux horngc zangc gorn nyei saaiv longc, gauh camv jiekhong bieqc Medi-Cal ndie-poux nyei saaiv longc, tengx taux substance use disorder (baengc dongh longc ndie-waaic benx daaih) nyei saaiv longc, caux zorc nyaah saaiv longc.

Meih nyei Medi-Cal Managed Care Plan maaih dorngx ginv nyei se ei meih yiem haaix norm nquenc zangc. Maaih deix nquenc zangc maaih yietc norm gorn hnangv. Maaih deix nquenc zangc se maaih gauh camv yietc norm gorn bun meih hah maaih dorngx ginv. Yie mbuo oix fungx zeiv fiex caux jienv *My Medi-Cal Choice* packet liemh jienv meih maaih dorngx ginv nyei.

Meih hnangv haaix nor haih duqv zipv goux wangc siangx nyei saaiv longc se gorngv meih zipv jienv Medi-Cal dongh maaih jienv Share of Cost (SOC).

Se gorngv meih maaih SOC, meih nziex haih zipv meih nyei goux wangc siangx saaiv longc yiem Fee-For-Service (regular) Medi-Cal a'fai yiem yietc norm Medi-Cal Managed Care Plan. Meih nziex maiv zuqc ginv yietc norm Medi-Cal Managed Care Plan. Yiem Fee-For-Service (regular) Medi-Cal, meih haih buangh haaix dauh ndie-sai yaac duqv nyei dongh zipv longc Fee-For-Service (regular) Medi-Cal wuov.

Meih horpc zuqc siou jienv meih nyei Medi-Cal Benefits Identification Card (BIC).

Meih nyei BIC se yietc kuaav jiu-pienx dongh nqaapv jienv in-biangh yangh-gox a'fai mbuov caux baeqc nyei ianx. Meih qiemx zuqc naaiv kuaav pienx dongh meih duqv zipv tengx buangv a'fai SOC Medi-Cal. Heuc mingh meih nyei nquenc zangc gong-gorn se gorngv meih qiemx zuqc siang-pienx BIC.

Zanc-zanc dorch meih nyei BIC caux jienv mingh buangh ndie-sai caux ganh nyungc yuoqc buangh weic baengc caux zorc nyaah sai. Dongh meih bieqc yietc norm Medi-Cal Managed Care Plan, meih oix duqv kuaav jiu-pienx yiem meih nyei siang-beu-sengh gorn daaih. Meih oix zuqc bun mangc naaiv deix i kuaav jiu-pienx dongh meih mingh buangh ndie-sai, zorc nyaah sai, ndie-poux, caux ganh dauh zorc baengc nyei sai.

Maaih tengx nyei sou caux waac-fienx bun meih caux meih nyei hmuangv doic hoqc hiuv hnangv haaix nor longc meih nyei Medi-Cal saaiv longc:

Meih qiemx zuqc tengx yiem ganh nyungc waac.

Se gorngv meih qiemx zuqc tengx yiem yietc nyungc waac cuotv liuz Meiv Guoqv waac nor, doqc mangc mbaih nzangh phone numbers weic baeqc tengx faan waac nyei saaiv longc dongh gan jienv naaiv zeiv fienx daaih wuov. Heuc mingh tengx faan waac nyei saaiv longc gorn lorz faan waac mienh tengx meih doqc naaiv zeiv fienx.

Meih haih duqv zipv tengx nyei sou-fienx yiem ganh nyungc za'eix.

Meih haih tov zipv yietc zungv sou-fienx gorngv taux Medi-Cal tengx nyei jauv yiem yietc nyungc za'eix dongh horpc meih nyei wuov nyungc. Naaiv nyungc za'eix se haih benx Braille (longc buox hluo zieqv nyei nzaangc), nzaangc hlo, yiem qieq a'fai nzaangc yiem guingh, a'fai ganh nyungc za'eix dongh haih tengx meih bieqc hnyouv caux haih doqc naaic fienx a'fai dau meih bieqc nzemx sou. Oix tov naaiv deix, meih haih:

- Bieqc mingh afs.dhcs.ca.gov. Gan jienv nzaangc-njaaux mingh ginv ganh norm za'eix.
- Heuc mingh **1-833-284-0040** (California Relay 711). Naaiv se baeqc heuc hnangv.
- Jiu tong caux meih nyei buonv-deic nquenc zangc gong-gorn. Meih haih lorz buatc meih nyei buonv-deic nquenc zangc gong-gorn waac-fienx yiem dhcs.ca.gov/COL.

Oix duqv hmien doix hmien nyei tengx nor, meih haih jiu tong caux dauh Health Enrollment Navigator yiem meih nyei horngc zangc. Bieqc mangc GetMedi-CalCoverage.dhcs.ca.gov caux ginv "Find Local Help" (Lorz Buonv-deic nyei Tengx).

Oix hoqc hiuv camv taux Medi-Cal Managed Care Plans, heuc Health Care Options yiem 1-800-430-4263 (TDD/TTY nyei mienh heuc mingh 1-800-430-7077). Naaiv se baeqc heuc hnangv. A'fai bieqc Health Care Options nyei waepv^saiv yiem healthcareoptions.dhcs.ca.gov.

Meih hah hoqc hiuv camv taux Adult Full Medi-Cal Expansion yiem DHCS nyei waepv^saiv yiem bit.ly/AdultExpansion.

Weic waac-naaic taux bieqc deic-bung nyei jauv caux Medi-Cal gorn:

Oix duqv waac-fienx caux tengx yiem bieqc deic-bung nyei jauv, bieqc mingh doqc California's Immigrant Guide yiem immigrantguide.ca.gov.

U.S. Department of Homeland Security caux U.S. Citizenship and Immigration Services MAIV longc wangc siangx, nyanc hopv, caux biauv nyei saaiv longc benx buonc dingc taux dongh domh zuangx longc sic nyei jauv (public charge). Weic naaiv, longc Medi-Cal tengx nyei (cuotv liuz mienh caux baengc mienh yiem nyei ndie-biauv a'fai zorc baengc-nzauh nyei ndie-biauv) se MAIV laanh zuqc meih bieqc deic-bung nyei jauv. Haaix dauh tov zipv saengv cuotv zinh tengx nyei jauv, ninh mbuo nyei waac-fienx se kungx longc zaah mangc gaax ninh puix duqv zipv tengx nyei fai hnangv. Saengv nyei doz-leiz bouc sengh siqc jeiv nyei waac-fienx.

Oix hoqc hiuv taux domh zuangx lorz sic nyei jauv, bieqc mingh doqc California Health and Human Services Agency Public Charge Guide yiem chhs.ca.gov/public-charge-guide.

The California Department of Social Services (CDSS) cingv dongh zoux maiv weic duqv leic zinh caux puix duqv nyei gong-gorn daaih tengx bieqc deic-bung mienh yiem California. Naaiv deix gorn nyei mbaih nzangh se yiem bit.ly/immigration-service-contractors.

Laengz zingh,

Department of Health Care Services